



Synfocity = 455

12th September, 2013

mail us at : mzsynfo@gmail.com; mizoramsynod@gmail.com - Phone - 2314648

- ☐ **ATS & Buprenorphine based treatment hawwna**
 September 11 (Nilaini) khan Synod Hospital, Durtlangah Amphetamine lam chi damdawi ruitheih (Amphetamine Treatment Stimulant) leh opium atanga siam damdawi ruitheih enkawlina tur Centre hawwna neih a ni.
 United Nations Office on Drugs and Crime (UNODC) chuan hetiang enkawlina hmun atana Synod Hospital a thlan chhan chu ruihhlo ngaite enkawlina kawnga mithiam an awm avang leh infrastructure mamawh ang te nei sa Hospital a nih vang a ni. UNODC zirchianna atanga an hriat danin, amphetamine lam chi damdawi ruitheih te hi Myanmar, Thailand, Laos leh China ah te a lar tawh hle a, heng ram te hi India hmarchhak state te nen inhnaih tak an nih avangin heng damdawi siam danglam te tawlhrukna kawng tha tak a nih theih bakah, Mizoram biakah phei chuan Falam-Dawn-Ngharchhip, Falam-Lungbun-Saitha leh Tiddim-Hnahlan kawng tum te chu hetiang atan hian an hmang thin niin an sawi bawk.
 He Centre hawwna hi Committee Room, Synod Hospital, Durtlangah neih a ni a, Dr. R.L. Sanghluna, Sr. Medical Officer-in programme a kaihrui a, Dr. L.H. Thanga Singson, Medical Superintendent-in Inlawmna thu a sawi a, Drugs leh HIV/AIDS dona kawnga International Speaker Dr. Suresh Kumar chuan thu sawiin amphetamine lam chi damdawi ruitheih te hi mi tithatho thei, reilote chung atana taksa tichak thei leh thiltitheia inggaia mihring siam thei a nih avangin thalaite zingah tih chakna a awm nasa niin a sawi a. Hun reilote chungin thluak leh a hnathawh a khawih buai a, mihring taksaah chhiatna nasa tak a thlen thei tih a sawi. Dr. John Malsawman Centre hawwna neiin thusawina hun a hmang a, Pi C. Lalrintluangi, Nursing Superintendent-in lawmthu sawina hun a hmang bawk.
- ☐ **Naupang Inkhawmpui**
 September 8 (Pathianni) khan Presbyterian Kohhran Naupang Sunday School (Beginner - Sakramen Department) ten Kohhran hrang hrangah inkhawmpui an nei a, thu leh hla hmangin intihsiakna an nei. September 15 (Pathianni) hian Senior Department-ten Inkhawmpui (Senior Department Meet) Bial tinah an nei thung ang.
 MSSU hnuaiah kum 2013 hian Sunday School Zirlai 366998 an awm a, Senior Department bikah zirlai 28373 an awm a ni. (Report la pe lo Bial pahnih khat an la awm)
- ☐ **Zin**

 - ◆ September 11 - 16 hian Assam Field Committee-a tel turin Guwahati-ah Rev. P.C. Pachhunga, Executive Secretary i/c Mission a kal.
 - ◆ September 14 & 15 hian Serchhip Bial Senior Department Meet-ah Dr. Robert S. Halliday, Superintendent, Synod Office chu Speaker a ni ang.
- ☐ **Campus Ministry**

 - ◆ September 11 & 13 hian nilengin Z.N. English Medium School, Bawngkawnah Spiritual Retreat neih mek a ni a, hemi neihpui hian Rev. V.L. Krosschuanmawia, Campus Ministry Coordinator, Upa Bonny Lalrindika, Asst. Coordinator, SYNFO leh Tv. C. Lalremruata, Outreach Worker-te an kal.
 - ◆ September 16 (Thawhtanni) chawhnu hian Fair Heaven Higher Secondary School, Bawngkawnah Devotion neihpui turin Rev. V.L. Krosschuanmawia, Campus Ministry Coordinator leh Tv. C. Lalremruata, Outreach Worker-te an kal ang.

Campus Ministry hian Students' Helpline **9856883377** an nei a, ngaihawng, sex, anpui kawp, setanic, rilru hah leh nun beidawng, zirna, ruihhlo, thian leh chungkua etc. avanga harsatna neite leh Pathian thu lama harsatna hrang hrang neiten an hmang tangkai hle a, August 2013 chung khan Outreach Counselling 23 leh Online Counselling 194, a vaiin 217 hnenah counselling neihpui an ni.
- ☐ **Music**
 September 17 - 20 hian Zawnuam Bial KTP-ten Conductor-cum-Solfa Training an nei dawn a, hemi neihpui tur hian Pu Lalromawia, Synod Music Instructor leh Tv. Lalchuanawma, Durtlang Leitan te an kal ang.
- ☐ **Hruaina Eng FM Radio & TV Programme**

 - ◆ **SEPTEMBER 13 (FM Zoawi Aizawl @ 7:30 p.m.) :**
Solo : Sihphir Kohhran Zaipawl - Eloi, **Choir** : Mizo Zaipawl - Tui nung lui, **Thuchah** : Tv. Lalthazuala - Zaipawl tha neih dan, **Solo** : Lallungmuana - Nang chauh hi i ni, **Choir** : TBZ Zaipawl_Aw Lal Pathian I Kutchuak, **Solo** : C. Lalnunzira - Lalpa'n min sawm
 - ◆ **SEPTEMBER 13 (FM Lunglei @ 7:30 p.m.) :**
Solo : Freddy Lalremruata - Isua min Pek A Ni, News : Synod News, **Choir** : Lunglei Zotlang Pastor Bial Zaipawl - Kros Ka Chhuang, **Thuchah** : Tv. Lalthazuala - Zaipawl tha neih dan, **Solo** : Lallungmuana - Nang chauh hi i ni, **Choir** : Lunglei Presbyterian Choir- Aw, Chawimawi Ula, **Solo** : C. Lalnunzira - Lalpa'n min sawm
 - ◆ **SEPTEMBER 15 (TV Programme @ 3:00 p.m.) :**
Zaipawl : Venghnuai Bial Zaipawl - Ka dam lai tuipei fawn, **Seminar** : Hmeichhiate Venhimna, **Group** : Gospel Artists - Kan ram A tidam leh ang
- ☐ **Susamachar Prasaran Programme**
SEPTEMBER 15 (Pathianni) 5:00 pm. Hindi Gospel Programme (Susamachar Prasaran) :
Group/Choir/Solo : Lunglei Area Masihi Sangati - Santosh, **Group/Choir/Solo** : Jubilee Kohhran - Hijo Aja, **Sermon** : Rev B Zobiaktluanga - Jagat Ki Jyoti, **Group/Choir/Solo** : Khanpui Kohhran masihi Sangiti, **Group/Choir/Solo** : Meitei christian Fellowship Chanmari
- ☐ **Moderator Programme**
 Synod Moderator Rev. Lalramliana Pachuau chu PCI Working Committee Meeting, Shillong-ah a tel a, naktuk (Sept. 13) hian Silchar a pan ang a, September 14 - 16 hian Tripura Mission Field tlawhin a kal leh nghal ang. Ruahman lawk dan chuan September 17 (Thawhlejni) hian Aizawl lo thleng leh tura beisei a ni.

Contd...

HNARUAK

Synod Information & Publicity Department (Synfo) hnuaiah contract a thawk tur a hnuai tarlan post pathum a ruak a, hetiangin :

Post Hming

- Ⓞ Office Assistant i/c Recording (Audio)
- Ⓞ Office Assistant i/c Recording (Video)
- Ⓞ Office Assistant i/c Property

Educational/Technical Qualification

HSSLC Passed & Audio Recording thiam
(Experience nei duhsak an ni ang)
HSSLC Passed, Video Editing & Live Recording thiam
(Experience nei duhsak an ni ang)
HSLC & ITI/Polytechnic Certificate in Electronics

✚ Dil duhte chuan Plain paper-ah dilna ziakin thiamna Certificate & Kohhran lehkha thil tel tur a ni.

✚ **Dil theih hun chung** : September 20, 2013 (Zirtawpni) thleng

✚ **Screening Test neih hun** : September 25, 2013 (Nilaini), 10:00 A.M. @ Synod Office

✚ **Personal Interview** : September 30, 2013 (Thawhtanni), 11:00 A.M. @ Synod Office

REV. VANLALZUATA
Senior Executive Secretary

HNA RUAK DIL THEIH

Synod Press-ah Contract basis-a thawk turin Graphic design thiam mamawh a ni a. HSLC pass chin tan dil theih a ni. Dilna chu plain paper-ah ziakin Kohhran lehkha nen a hnuai hming ziak hnenah hian thehluh theih a ni ang. Hriat turte :-

- ◆ Dil theih hun chung : September 30, 2013, 4:00 p.m. thleng
- ◆ Written & Practical Test : October 1, 2013, dar 11:00 a.m.
- ◆ Interview : October 7, 2013, dar 2:00 p.m.

Upa R. Lalmalsawma
General Manager
Presbyterian Communication Department

ALLUMINIUM MISTIRI TRAINING

Synod Social Front chuan October - November 2013 chungin Alluminium Mistiri Training a buatsaih dawn a. Training-a telte hnenah thla hnih chungin stipend Rs. 1,000/- pek an ni ang.

Dil duhte chuan Synod Office Social Front Department-ah dilna form la chhuakin September 20, 2013 hmain kohhran lehkha nen thehluh tur a ni ang a, September 24, 2013 (Thawhlejni) 11:00 a.m. ah interview tur a ni ang.

REV. P.C. PACHHUNGA
Executive Secretary i/c Social Front

SYNOD BOOKROOM BOOK NEWS FOR THE MONTH OF SEPTEMBER 2013

- | | |
|---|---------|
| 1. Pelendo - by Upa Dr. L.N Tluanga | Rs. 50 |
| 2. Lal Isua chanchin - by Rev. B. Lalhnuna | Rs. 200 |
| 3. Khawvel sakhaw ropui lo pian chhuah dan - by VL Zaikima | Rs. 150 |
| 4. Pastor 555 - by R. Lallianzuala | Rs. 40 |
| 5. A ke hniakah - Zothanmawia Kiangte lehlin | Rs. 180 |
| 6. Thlarau Nun Duhawm - by Revd Dr. Dengthuama | Rs. 70 |
| 7. Hmangaihna hrui vuanin - by Rev. C. Lianzuala | Rs. 80 |
| 8. Naupang enkawl dan - by V.L. Zaikima | Rs. 80 |
| 9. Hnehna Hlado 4 - by Vanneihluanga | Rs. 100 |
| 10. Thangliana - by Lalhruaitluanga Ralte | Rs. 180 |
| 11. Ben Hur - by Dr. HK Thanglura lehlin | Rs. 250 |
| 12. A lanna tlang dang - by Lalchhanhima Pautu | Rs. 150 |
| 13. Hlawhtlinna Thuruk - by V.L. Zaikima | Rs. 80 |
| 14. Hneh theih loh nun - by R. Lalhlimpuia | Rs. 120 |
| 15. Zoram tan (Mizo mi ropui leh ngaihsanawm te chanchin) | Rs. 250 |
| 16. Chhum dum kara chhemdam thli - by TS Khupchawng | Rs. 100 |
| 17. A long way gone - by Thankima | Rs. 100 |
| 18. Mizoram Political Records - by Lalmachhuan Zofa | Rs. 200 |
| 19. Zobawm - by Tahan Literature Circle | Rs. 100 |
| 20. Lalthangliana - by J. Lalnangliana | Rs. 70 |
| 21. Bible milem - by Lalremmawia | Rs. 50 |
| 22. Fanau malsawmna leh Mizo puithuna - by V.L. Zaikima | Rs. 100 |

